

尊儀

（術語）尊貴之儀容。謂佛菩薩之形體。又貴人之眞影靈牌等。又謂香奠也。由奠於尊儀之意而名。

尋

（術語）見尋伺條。

尋伺

（術語）舊云是觀。新作尋伺。不定法中二種之心所也。見七十五法條。

尋香城

（雜語）見乾闥婆城條。

強緣

（術語）強因緣力也。

徧一切處

（術語）法身佛之梵名。名爲毘盧舍那。一名徧一切處。以如虛空無邊際。徧滿於一切處故也。

徧吉

（菩薩）普賢菩薩之異譯。普爲徧。賢爲吉。言別意同也。

徧成諸行

（術語）頓成諸行之對。由行布門修行之菩薩。始自發菩提心。終至等覺位。次第經過諸法門階級。徧修諸行也。

徧計

（術語）凡夫之妄情。徧計度諸法也。唯識論八曰「周徧計度故名徧計」。

徧參

（雜語）禪僧行脚參學。徧天下之知識也。

徧照

（術語）法身之光明。徧照世界也。

徧照金剛

（佛名）大日如來之密號也。

徧照般若波羅蜜經

（經名）一卷。趙宋

施護譯。佛在他化自在天爲金剛手說諸字之義門并神咒。

徧觀一切色身想

（術語）觀經十六觀中之第九觀。觀想阿彌陀佛之身相光明也。其觀成就。則得見十方諸佛之身相。對於第八觀而謂此觀爲眞身觀。

復飾

（雜語）還俗也。一次落飾出家者。再蓄髮爲俗人也。

循身觀

（術語）四念處觀中之身念處觀也。觀身之不淨。由頭至足。次第巡歷。觀三十六物皆不淨。故名循身觀。慧苑音義二曰「循身觀。循巡也。今謂四念處中第一觀身不淨。從頭至足。次第巡歷。三十六物皆不淨也」。

嵐毘尼

(地名)又作藍毘尼、嵐毘尼、留毘尼、

流毘尼、流彌尼、林毘尼、林微尼、樓毘、新稱臘伐尼、藍登尼、花園名在迦毘羅城之東、摩耶夫人生佛之處、藍鞞尼、譯作鹽、上古守園之婢名、因以名園、或譯曰可愛、玄應音義十九曰、「嵐毘、或言流毘尼、或言林微尼、正言藍鞞尼、此云鹽、即上古守園婢名也、因以名園、飯那、此云林、或譯云解脫處、亦云滅、亦名斷、鞞音扶晚切。」

悲

(術語)

梵語跋哩泥、憫、憫愴、他人之苦而欲救濟之之心也。大乘義章十一曰、「愛憐名慈、憫愴曰悲。」

悲田

(術語)三福田之一。可悲愍之苦難貧

窮境界、向此境界而惠施、則得無量之福。故名悲田。法論謂供父母曰恩田、佛僧曰敬田、貧窮曰悲田。唐有悲田養病坊。見舊唐書武宗紀。悲田之名本此。

悲田院

(堂塔)養鰥寡孤獨窮民之處也。後世謂養濟院曰悲田院。本此。唐有悲田養病坊。見

舊唐書。俗作卑田院。

悲門

(術語)對智門之稱。見悲智條。

悲智

(術語)慈悲與智慧也。此為佛菩薩所具。一雙之德。稱曰悲智二門。智者上求菩提、屬於自利。悲者下化衆生、屬於利他。以之配於人身之兩手、則悲為左手、智為右手。又配於真言之兩部、則悲為胎藏界、智為金剛界。配於彌陀之兩脇、則悲為左脇之觀音、智為右脇之勢至。有如是無盡之對配。

悲智圓滿

(術語)慈悲與智慧完全具足也。

悲華經

(經名)十卷。北涼曇無讖譯。寶海梵

志勸無諍念王及其千子詣寶藏如來所發無上心。使各取淨土。無諍念王受無量壽佛之記。王之第一子受觀世音之記。第二子受大勢至之記。乃至千子悉受記也。

悲無量心

(術語)四無量心之一。於一切衆生起悲心而無量也。

悲增菩薩

（菩薩）二增菩薩之一。

悲願

（術語）佛菩薩大慈悲所發之誓願也。

如阿彌陀佛之四十八願、藥師如來之十二願等。

悲願金剛

（菩薩）地藏菩薩之密號也。

惑

（術語）迷妄之心，迷於所對之境而顛倒。

事理謂之惑。貪瞋等煩惱之總名也。探玄記十三

曰：「心迷前境目之爲惑。」

惑染

（術語）迷於貪欲瞋恚愚癡等諸煩惱

之理而污真性者。

惑得

（術語）惑者所得之法也。身者能得之

體也。令此所得之法得於能得之身，有一種之實

法名之爲惑得。猶如以繩繫物於身，因此謂之得。

繩凡斷惑云者，非壞滅惑體，乃絕對於此惑得。繩

也。證涅槃云者，亦有繫涅槃於吾身之得。繩名爲

離繫得。生此離繫得之繩，謂爲證涅槃之理也。而

解脫此惑得爲無間道。生離繫得爲解脫道。凡斷

惑證理要無間解脫之二道者，爲此也。

惑業苦

（術語）貪瞋等者惑也。依此惑有善

惡之所作者業也。以此業爲因而招三界之生死

者苦也。是云三道。唯識論二十八曰：「生死相續

由惑業苦。發業潤生之惑能感後有諸業名。業業

所引生衆苦名苦。」

惑障

（術語）四障之一。諸衆生由貪欲瞋恚

愚癡等之惑而障蔽正道也。

惠果

（人名）唐京兆府昭應縣（今陝西臨

潼縣治）人。姓馬氏。以天寶五年生。幼穎悟。師事

大照禪師。隨從見其師不空三藏。不空一見異之。

曰：「我法教汝實興之。遂就受三密四曼之秘奧。後

奉代宗奏對法要。爲內道場之護持僧。住長安青

龍寺東塔院。爾來受德宗順宗之崇敬。爲三朝之

國師。威德高於朝野。四衆被化者多。義明、義圓、辨

弘、慧日、義操、惟上、政臺、操敏、堅通等皆入其門。日

僧空海入唐亦謁師。受不空所傳之密藏焉。年六

十寂。著有阿闍梨大曼荼羅灌頂儀軌一卷。金剛

界金剛密號一卷等。

惡

（術語）乖理之行。於現在與將來招苦之

行也。法界次第上之上曰、「惡是乖理之行。故現在將來由斯招苦。」

惡叉（植物）樹名。其子似沒石子。生必三顆同蒂。以喻惑業苦三者同時具足。見翻譯名義集參照次項。

惡叉聚（植物）惡叉者。果實名。形似無食子。落地則多聚於一處。故云惡叉聚。楞嚴經一曰、「業種自然如惡叉聚。」

惡口（術語）罵詈惱人之言。法界次第上之上曰、「惡言加彼。令他受惱。名為惡口。」十惡之一。

惡生王（人名）惡生王依於宿福。忽感得五百之寶鉢。出雜寶藏經九。惡生王者。別處謂之琉璃王。舍衛國末利夫人所生。族滅迦毘羅國之釋種者。出有部毘奈耶雜事八。經律異相七。參照毘琉璃條。

惡因（術語）可招惡果之惡事種也。  
惡行（術語）不善之行也。俱舍論十六曰、「

一切不善身語意業。如次名身語意惡行。」  
惡見（術語）惡見解也。成唯識論六曰、「云何惡見。於諸諦理。顛倒推度。染慧為性。」

惡見處（異名）地獄名。十六別處地獄之一。見正法念經六。往生要集上本。

惡作（術語）作惡事後之追悔。懺悔之心也。俱舍論四曰、「惡作者。謂緣惡作心追悔性。」又惡作法也。七聚之一。突吉羅罪也。

惡性（術語）三性之一。見三性條。

惡果（術語）自惡事之因而生之苦果。

惡祁尼（天名）或作些吉利多耶尼。譯曰火神。見名義集二。見阿祇偈條。

惡取空（術語）撥無因果之道理。無著於惡空見也。地持論二曰、「云何為惡取空。若沙門婆羅門。謂彼此都空。是名惡取空。」止觀五之六曰、「寧起我見。如須彌山。不惡取空。」

惡知識（術語）為人所知之惡人。又曰惡師友。知識者。乃為人所知之義。非已知事物之理之

義也。八十華嚴經五十八曰：「遠善知識。近惡知識。」涅槃經二十二曰：「菩薩於惡象等。心無怖懼。於惡知識生畏懼心。」

### 惡律儀

（術語）善律儀之反對。定時定事而守之行曰律儀。律儀有善惡。如戒法者善之律義。如毘獵者爲惡律儀。涅槃經二十九有十六種之惡律儀。報恩經六揭十二種之惡律儀。

### 惡鬼神

（異類）夜叉、羅刹之類。惱害人者。

### 惡報

（術語）報惡事之因之惡果。

### 惡道

（術語）乘惡行而往之道途。地獄、畜生等是也。與惡趣同。

### 〔三惡道〕

（術語）地獄、餓鬼、畜生之三道處。

梵網經曰：「墮三惡道中。二劫三劫。不聞父母三寶名字。」

### 惡業

（術語）乖理之行。謂之惡。身口意三者作事。謂爲業。即十惡五逆之所作。四十華嚴經四十一曰：「我昔所造諸惡業。皆由無始貪瞋痴。」七聚之一。惡言說也。徒爲無用之論義者。

### 惡說

### 惡察那

（術語）譯曰字。即文字也。由其不變

之義。取爲不改轉之義。唯識論述記四曰：「惡察那是字。無改轉義。」俱舍論光記五曰：「梵云惡

刹羅。唐云字。是不流轉義。謂不隨方流轉改變。」

### 惡察羅

（術語）譯曰字。與惡察那同。

### 惡趣

（術語）衆生以惡業之因而趣之所。俱舍論世間品曰：「趣謂所往。」即地獄、畜生等。

### 〔三惡趣〕

（術語）地獄、餓鬼、畜生之三處也。

### 又曰三塗

### 〔四惡趣〕

（術語）於三惡趣加修羅。

### 〔五惡趣〕

（術語）於三惡趣加人天。修羅屬於天。無量壽經下曰：「橫截五惡趣。」

### 惡緣

（術語）誘我爲惡事之外界事物。

### 惡露

（術語）謂身上不淨之津液也。如膿血、屎尿等。惡者憎厭之義。露者津液也。心地觀經曰：「自見己身三十六物。惡露不淨。」無量壽經下曰：「生老病死痛苦。惡露不淨。無可樂者。」

**惡觸**

（術語）食物爲他人之手所觸而惡穢者。凡戒律以他人手觸之食物爲不淨而禁食之。見行事鈔下同資持記下二之二。

**惡覺**

（術語）惡之思想。有八種之別。

**惡魔**

（異類）障礙佛道之惡神之總稱。

**惡癩野干心**

（譬喻）惡癩者惡疾。野干者

野狐。喻心之惡也。止觀二之四曰「大論云寧起惡癩野干心。不生聲聞辟支佛意。」但大論無此語。薩遮尼健經九曰「若不持戒。不得疥癩野干身。況當功德之身。」

**惱**

（術語）心所名。小煩惱地法之一。謂自己

因自身知惡事爲惡事而不改。執著至飽。不用他人之諫言。但自懊惱煩悶也。又爲二十隨煩惱之一。謂追想過去之行事。或由現在之事物不滿於意。自懊惱之精神作用也。

**掌中論**

（書名）一卷。陳那菩薩造。唐義淨譯。

**掌石**

（譬喻）法華經五百弟子授記品曰「

地平如掌。」法華文句七曰「經直言如掌。不言手掌。手掌不平。則非所引。海底有石名掌。此石無有一微塵不平。當知類如法掌耳。」

**掌果**

（譬喻）掌中之庵摩羅果也。以譬物之

易見。

**掌珍論**

（書名）具名大乘掌珍論。一卷。清辯菩薩造。唐玄奘譯。明諸法無相之義。破護法之諸法有相。即破相宗之根本論也。

**揀師**

（術語）揀擇阿闍梨也。未熟之阿闍梨。有自稱大宗師。導人於邪路者。故所化宜揀擇其熟未熟焉。

**揀語**

（術語）簡擇評論。古則公案之言語也。五位顯訣中所謂「逐位揀曰」「別時揀曰」「別揀曰」「揀曰」等是也。

**揀魔辨異錄**

（書名）八卷。清世宗因密雲會下有法藏者。背其師旨。逞己臆見。著五宗原。以企後學推尊於己。其徒弘忍。更同惡相濟。因密雲闢而又闢。乃著五宗教。自誤誤人。致參禪者陷入

魔道。特爲摘錄八十餘條、逐條駁正。命續入太藏。

提山 (地名) 住羅提耶山之略。地藏菩薩所居。

提多羅吒 (天名) 四天王之一、持國天也。

見四天王條。

提舍 (術語) 又作底沙。譯曰說、說法度人也。

提舍尼 (術語) 波羅提舍尼之略。七聚罪之第五。

第五。

提舍那 (術語) 譯曰發露、說罪。所犯之罪向他自首也。舊謂之懺悔。行事鈔中四之三曰「提舍那者。此云發露。謂此懺悔是發露法故。」

提河 (地名) 阿利羅跋提河之略。舍衛城岸之河名。

提波延那 (人名) 又作提波耶那。仙人名。輔行四曰「如婆沙中云佛未出時。帝釋常詣提婆延那仙人所聽法。」

提桓 (雜語) 又作提洹。提婆提和。譯曰天。

提唱 (術語) 謂禪家宗匠向學徒提起宗要。

唱導也。他宗有所謂講釋、而禪宗不立文字、專一悟入。故全班之說明、爲自然不可說者。此所以提起唱導宗要而擊發所化之心魂也。

提婆 (雜語) 譯曰天。如摩訶提婆之譯爲大天。提婆達多之譯爲天授是也。又(人名)又作提婆菩薩名。譯作天。後以一目施神。故曰迦那提婆。伽那者。片目之義。或以一目授女子。本執師子國人龍樹之弟子。付法藏第十四祖也。詳提婆菩薩傳。又百論疏上之上曰「提婆者天也。蓋是其本名。末稱伽那提婆。伽那者小一目。以一目施天神。故以爲名。復傳云提婆曾乞食。有女人應發道心。於提婆眼生愛。提婆出之示之。但是不淨。因以發心。故小一目也。」

提婆宗 (術語) 又曰龍樹宗。三論之空宗也。以是爲龍樹提婆二大士所顯揚者也。

提婆論 (書名) 提婆菩薩釋楞伽經中外道小乘涅槃論之略名。

提婆投針 (故事) 西域記十曰「時提婆

菩薩自執師子國（卽錫蘭）來求論議。謂門者曰：爲通謁門者，通於龍猛（卽龍樹）。龍猛知其名，盛滿鉢水，命弟子曰：汝持此水，示彼提婆。提婆見水，默而投針。弟子持鉢懷疑而返。龍猛曰：彼何辭？對曰：默無所說，但投針於水。龍猛曰：智人也。滿鉢之水，譬我智之周，彼投針遂極其底，是非常人，應速召進。」

### 提婆五法

（故事）五逆罪中以破僧罪爲

最重。破僧者，於同一結界中，構別法而樹立一衆也。今提婆所立有五法，輔行一曰：「言五法者，婆沙云：一、糞掃衣。二、常乞食。三、一坐食。四、常露坐。五、不受鹽及五味。與正理不同。正理云：一、不受五味。二、斷肉。三、斷鹽。四、不受割截衣。五、不居聚落邊寺。」非謂是五法悉邪，立此五法爲二分一味之僧，爲大罪也。參照五法條。

### 提婆菩薩造論

（書名）百字論一卷、百論

二卷、外道小乘四字論一卷、外道小乘涅槃論一卷。

### 提婆菩薩傳

（書名）一卷、秦羅什譯。與付

法藏傳所載大同。

### 提婆達多

（人名）又作提婆達兜、禰婆達

多。地婆達多、地婆達兜、調婆達多、調達、達兜。譯曰：天熱。天授斛飯王之子，阿難之兄，佛之從弟也。出家學神通，身具三十相，誦六萬法藏，爲利養造三逆罪，生墮於地獄。法華義疏九曰：「提婆達多是斛飯王子。提婆此翻爲天。達多言熱，以其時諸天心熱故。名天熱，所以然者，諸天知其造三逆罪，破壞佛法，見其初生，心生熱惱，故因以爲名。」

### 提婆達多品

（經名）法華經卷五最初之

品名。記釋迦如來往昔爲聞法華經，奉事今提婆達多前身阿私仙人之事。又記提婆達多今雖爲三逆罪，在無間地獄，然後來成佛，號天王如來，及八歲龍女依文殊菩薩之化導，於南方無垢世界，現身成佛。於一經中爲功德最勝之經文。

### 提婆設摩

（人名）羅漢名。譯曰賢寂、天寂。

識身足論之作者。俱舍光記一曰：「佛涅槃後一

百年中。提婆設摩造識身足論七千頌。此云賢寂。

提婆地提婆

（人名）譯曰天上天。佛未出家時之名。

提訶

（術語）譯作身。俱舍光記十一曰「提訶此云身」。

提雲般若

（人名）比丘名。譯曰天智。開元

錄九曰「沙門提雲般若。或云提雲陀若那。唐云天智。于闐國人也」。

提謂波利

（人名）二商主名。提謂又作帝

梨。富婆瓜離謂等。波利又稱跋梨迦。優婆離。金挺等。或稱為北天人。或稱為優德伽羅人。佛對之初說人天教。與以髮爪使造塔。但此為梵天勸請以前之事也。五分律十五曰「結跏趺坐。七日受解脫樂。過七日已。從三昧起。遊行人間。時有五百賈客乘五百乘車。中有二大人。一名離謂。一名波利。二人昔善知識。死為善神。恆隨逐之作是念。今佛始成大道。未有獻食。我今當令二人飯佛。使長夜

獲安。即以神力車牛皆躡。衆人怖懼。四向求神。彼神於空中語言。汝等莫怖。今佛世尊初成大道。靜坐七日。從定起。遊行坐彼樹下。未有獻食者。汝奉上麁蜜。長夜獲安。衆人歡喜。即和麁蜜。俱詣樹下。遙見世尊。（中略）前禮佛足。奉上麁蜜。（中略）受已。語言。汝等當歸依佛。歸依法。即受二自歸。是為人中二賈客。最初受二自歸。便為說隨喜咒願之偈。（中略）爾時世尊說是偈已。更為賈人說種種妙法。示教利喜已。又見因果經。瑞應本起方廣大莊嚴經等。

提謂波利經

（經名）原有二部。一為一卷

之提謂經。真本也。一為二卷之提謂經。偽撰也。出三藏記集卷五。偽經偽撰雜錄第三曰「提謂波利經二卷。（舊則有提謂經一卷。）右一部。宋孝武時。北國比丘曇靖撰。」唐高僧傳一（曇曜傳）曰「又有沙門曇靖者。以創開佛口。舊譯諸經。並從焚蕩。人間誘導。憑准無因。（言魏武廢佛之難。）乃出提謂波利經二卷。意在通悟。而言多妄

習（中略）舊錄別有提謂經一卷。與諸經語同。但靖加五方五行用石椽金致成僞耳。一卷之提謂經亦不存於今藏經。

**提頭賴吒**

（天名）又作提多羅吒。即持國天也。四天王之一。須彌之半。第四層之東。爲東方天主。守護東洲。故亦曰東方天。

**提羅**

（術語）扇提羅之略。男女根不具之稱。昔有比丘五人。爲欲得利養。矯裝聖者之形。有一婦人信之。誠意供養之。因而婦人大得絕福。比丘死墮地獄。後生於人爲扇提羅。見羅提羅條。

**插單**

（雜語）禪林語。初入禪林。插入己單。位於僧堂衆僧間也。

**揣食**

（術語）四食之一。又作團食。揣搏字通。以手握食爲丸而食之也。是印度人之食法。指欲界中一切之食物。新譯曰段食。分分段段而食之。義註維摩二曰。一生曰。凡欲界食。謂之揣食。揣食者。揣握食也。

**散**

（術語）梵語尾鉢羅枳刺曩。常作散善。散

地。散心等。對定而言。言心散亂不止。住於一境也。

**散心**

（術語）散亂之心。放逸之心也。

**散支**

（天名）又曰散脂。具名散脂迦。散脂修摩。新稱僧慎爾耶。半只迦。半支迦。譯作密神。或謂是歡喜母。即鬼子母神之子。或謂是鬼子母神之夫。北方毘沙門天王八大將之一。其所管有二十八部衆。巡行世間。賞罰善惡。天台光明疏三曰。一具存梵音。應言散脂修摩。此翻爲密。密有四義。謂名密。行密。智密。理密。蓋北方天王大將。餘三方各有東方名。樂欲。南方名。檀帝。西方名。善現。各有五百眷屬。管領二十八部。

**散生齋**

（術語）布施而乞病愈也。魏書（京兆王太興傳）曰。初太興遇患。請諸沙門行道。所有資財。一時布施。乞求病愈。名曰散生齋。

**散地**

（術語）色界無色界謂之定地。欲界謂之散地。定地者。生得之心。禪定之地也。散地者。生得之心。散亂之地也。於欲界得入禪定者。依行力而修起色界無色界之定心。欲界當分之果報。無

有定心。故欲界中之六欲天並四大洲地獄等盡稱散地。輔行六曰：「欲界六天地獄洲等。同是散地。故但爲一。」

### 散杖

（物名）密教之修法。由灑水器取水散之者。本束生茅而作之。後世以梅木換之。大日經疏二十曰：「灑水謂闍伽水也。闍伽別有方法。如悉地中說耳。然此灑水有二法。若以茅作小束。置闍伽碗中而灑之。灑時順灑。右旋灑也。若直用手灑亦得。」

### 散忌

（雜語）開山忌。達磨忌等法會之滿散。即結願之日。

### 散花

（術語）與散華同。魏書世祖卽位。每引高德沙門共談。於四月八日。與諸佛像行於廣衢。帝親御門樓臨觀。散花以致敬禮。

### 散花天女

（菩薩）維摩經會中有一天女。以天花散諸菩薩。悉皆墮落。至大弟子。便著不墜。天女曰：結習未盡。故花著身。

### 散善

（術語）散亂之心。勤修之善根也。對定

善而言。如觀無量壽經所說十六觀。前十三觀爲定善。後三觀爲散善。又從密教所判一切之顯教爲散善門。密教爲三摩地門。三摩地乃定之梵名。以密教由初心修生佛不二之觀行故也。見辨惑指南三。

### 散善義

（書名）善導四帖疏之一。釋觀經十六觀中後三觀之散善門者。

### 散華

（雜語）稱經句之偈頌曰：貫華。其散文曰：散華。見貫花條。又（儀式）爲供養佛而散布花也。又顯密法要之式。有散華之儀。在顯爲四個法要之一。在密爲二個法要之一。於梵唄之後行之盛。栴葉於華宮。詠伽陀而散之也。此有次第散華與行道散華二種。各立其座而不行道。但由頭人次第詠伽陀而散花者。曰次第散華。行道作者曰行道散華。

### 散無表

（術語）依善戒而得善無表。及依惡事而得惡無表也。對定無表而言。

### 散業

（術語）定散二業之一。散心而營之善

業也。往生要集下末分別念佛爲定、散、有相、無相之四業。

散亂

（術語）謂凡夫之心流蕩於六塵之境，一剎那亦不止住者。

敦煌石室

（雜名）甘肅敦煌縣東南有鳴沙山。其麓有三界寺。寺旁石室千餘。舊名莫高窟。俗名千佛洞。以四壁皆佛像也。清光緒庚子。有道士掃除積沙於複壁破處。見一室內藏書甚富。發之。皆唐及五代人所手寫。並有雕本佛經尤多。蓋西夏兵革時。保存於此也。英人史泰英。法人伯希和。先後至其地。皆擇完好者捆載而去。陳於彼國博物院中。至我國政府更往搜求。精好者已不可得。近人據伯希和所得本印行者。有敦煌石室遺書。鳴沙石室古佚書二種。皆前所未見之秘笈也。

斑足王

（人名）賢愚經十一謂爲迦摩沙波陀。譯曰斑足。智度論四作劫磨沙波陀。譯曰鹿足。以足有斑駁故也。是爲天羅國王之太子。故曰斑足太子。後爲王。故曰斑足王。嘗從邪師之教。欲得

千王之頭。既得九百九十九王而缺一人。後得普明王。普明王請一日之間。設百座仁王會。第一法師爲說四非常偈。普明王聞之而證虛空等定。斑足王得空三昧。此斑足王卽佛在世之鶻崛摩羅。講身也。又見仁王經護國品及七卷楞伽經六。斯陀含（術語）見四向及四果條。斯訶國（界名）下品之穢土也。見迦才淨土論上。

普光地

（術語）稱因圓果滿之佛地。曰普光地。五祕密軌曰「毘盧遮那三身普光地位」。

普光二昧

（術語）普放光明照十方界之三昧也。大寶積經八十九曰「得普光三昧具大光明」。華嚴經十定品說十大三昧中第一云普光三昧。

普光天子

（天名）三光天之一。星天也。卽明星是。蓋爲虛空藏菩薩之化現。法華文句曰「普光是明星天子。虛空藏應作」。

普光如來

（佛名）勝鬘夫人當來正覺之

佛號。

### 普光法堂

（堂塔）普光明殿之異名。

### 普光明殿

（堂塔）在摩竭陀國菩提道場

之側。佛於此殿內說華嚴經九會中之第二會。第七會第八會三會。若依舊經之八會。則爲第二會。與第七會之二會。華嚴經如來名號品曰：「爾時世尊在摩竭提國阿蘭若法菩提場中。始成正覺。於普光明殿坐蓮華藏師子之座。」

### 普同塔

（雜名）禪林之語。藏亡僧之骨於一處。故云普同塔。又曰普通塔。海會塔。

### 普印

（印相）金剛合掌之異名。綏合兩掌。交

又十指之頭。是曰金剛合掌。此合掌代用於一切之印相。故名普印。又五指卽五智。一切之印。不出五智印。故名普印。

### 普回向

（術語）禪林夏安居中行楞嚴會。每

日粥罷。集衆誦楞嚴呪畢。楞嚴頭舉普回向之偈。大衆同聲念普回向之偈。真歇禪師所製。敕修清規楞嚴會載之。

### 普門

（術語）華嚴經所明。一門之中攝入一

切法。謂之普門。又云普法。探玄記二曰：「入緣起陀羅尼。一門中卽攝圓融法界。故云普門。」又曰：「一門有一切門名普門。又若依普門一位卽一切法。」又佛菩薩神通之力。開通無量之門。示現種種之身。圓通一切衆生。亦名普門。如觀音之普門。示現大日之普門。三昧是也。往生論註下曰：「示應化身者。如法華經普門示現之類。」

### 普門品

（經名）觀世音菩薩普門品之略名。

法華經二十八品中第二十五品也。爲觀音菩薩說普門圓通之德者。故名普門品。示現三十三身。普使一切衆生圓通於佛道也。

### 普門品經

（經名）一卷。西晉竺法護譯。大

寶積經第十文殊師利普門會之異譯。

### 普門持誦

（術語）普持誦曼荼羅海之諸

尊真言也。大疏八曰：「然後住瑜伽座。以五輪字持身。首置百光遍照王。以無垢眼觀自心華臺。本不生字。方作普門持誦。」

普門世界三昧門

（術語）普眼三昧門

之異名。

普門法界身

（術語）應一切衆生之機、而

各現所喜見之身、說應機之法是曰普門示現之身。

普門曼荼羅

（術語）又曰都壇。大日經具

緣品所說。由大悲之胎藏而出現之四重曼荼羅也。

普供養印明

（印相）出無盡供養、供養無

邊聖衆之印與真言也。香華等之五供爲別供、此普供爲總供。

普知尊

（術語）佛之尊號、普知諸法也。即十

號中之正遍知。法華經譬喻品曰「舍利弗來世成佛普知尊。號名曰華光。」

普法

（術語）法界諸法一具一切、普遍圓融、

謂之普法。見此普法名普眼。是華嚴經所說之法門也。五教章上曰「依此普法一切佛法並於第

二七日一時前後說。前後一時說。」

普法義經

（經名）略云普法義經一卷。後漢

安世高譯。與真諦譯之廣義法門經同本。

普明王

（人名）智度論四曰須陀須摩王。爲

鹿足王所捉。請七日之命歸國。至期以持不妄語戒。故以身就死。見須陀須摩條。仁王經謂爲普明

王。爲斑足王所捉。請七日之間還國。修仁王會。見斑足王條。

普陀山

（地名）山名。在浙江定海縣東海中。

梵名補陀洛迦。華言小白華也。亦名補陀山。又名梅岑山。相傳以梅福名山。有大寺。僧徒爭往朝禮。

氣候溫和風景奇特。爲四大名山之一。

普陀洛伽山

（地名）即普陀山也。普陀山

志一曰「一名補陀。華嚴經又稱補陀洛伽山。蓋梵名也。猶華言小白華云。乃善財第二十八參觀

音菩薩說法處。傳記稱東洋西紫竹旃檀林者是也。在今定海縣之東。距縣百餘里。孤峙海中。」

普度

（雜語）廣行剃度也。宋史嘗勸上於征

戰地修寺及普度僧尼。

普建普成

（人名）傳大士之二子。見善慧條。

普現色身

（術語）如觀音現三十三身。佛

菩薩普示現種種之身濟度衆生也。

普現色身三昧

（術語）略云普現三昧。菩薩得此三昧則得現種種色身化益衆生故名普

現色身三昧。如妙音觀音之現諸身即依此三昧之力用也。法華經妙音菩薩品名曰現一切色身三昧。

普眼

（術語）觀世音之慈眼普觀一切衆生

謂之普眼。大日經疏十曰「以此普眼而觀衆生故名觀自在者一又一具一切云普法觀普法云普眼。宗鏡錄九曰「以是圓滿之宗普門之法見普法故名爲普眼。略外無法乃稱普眼」。

普眼三昧門

（術語）大日如來普門示現

之諸大衆曰普門大衆觀此普門大衆於一心謂之普眼三昧門。見大日經疏六。

普等二昧

（術語）普者普遍等者齊等也。

住此三昧則普見一切諸佛故名普等三昧。見無

量壽經上又悲華經謂之遍至三昧。分陀利經謂之普至三昧。莊嚴經謂之普遍三摩地。

普超三昧經

（經名）三卷。西晉竺法護譯。

文殊師利普超三昧經之略名。

普菴

（人名）禪林或安普菴像於佛殿背後。

普菴爲臨濟十二世之孫牧菴忠禪師之法嗣。名印肅。號普菴。宋孝宗乾道五年入寂。初師振化於袁州之南泉山。道場之盛甲於天下。沒後有靈。凡有禱者其應如響。元朝加贈大德慧慶之號。因之號曰慧慶禪師。後元仁宗延祐年中。南康沙門宗琬相姑蘇城西五里許。創慧慶禪寺。建無量壽閣。祠佛及五百尊者像。閣後作普光明殿。安置普菴之像。士民翕然而求冥應。云見普菴肅禪師錄。天如則禪師錄。吳郡慧慶禪寺記。

普爲乘教

（術語）卽法相宗也。詳名曰普

爲一切乘教。謂與利益於五乘。卽人間天上聲聞緣覺菩薩全體之教也。蓋法相宗立五性各別。雖

主張成佛不成佛、而各授相應之利益、故有此名。  
普遍光明、燄鬘清淨、熾盛如意、寶印心、  
無能勝大明王大隨求陀羅尼經、

（經名）二卷、唐不空譯。略稱大隨求陀羅尼經。隨求陀羅尼經大隨求經。隨求經等。更有寶思惟譯之隨求即得大自在陀羅尼神呪經一卷。同本抄略。

普想觀 （術語）觀無量壽經十六觀之第十

二觀。爲普觀想佛身佛土之觀法。故謂之普想觀。  
普說 （雜語）禪家之說法也。普說者普說正

法開宗衆之意。

普賢

（菩薩）梵名鄒輸跋陀、又作三曼多跋

陀羅。或譯曰普賢、或作徧吉。主一切諸佛之理德、  
定德、行德、與文殊之智德、證德相對、即理智一雙、  
行證一雙、三昧般若一雙也。故以爲釋迦如來之  
二脅士。文殊駕師子、侍佛之左方、普賢乘白象、侍  
佛之右方。此理智相即行證相應、三昧與般若全  
者、即毘盧舍那法身佛也。華嚴一經之所明、歸於

此一佛二菩薩之法門、故稱爲華嚴三聖。爲一切  
行德之本體、故於華嚴之席說十大願。又爲諸法  
實相之理體、故於法華之席誓於法華三昧之道  
場、自現其身。嘉祥法華義疏十二曰、「普賢者、外  
國名三曼多跋陀羅三曼多者、此云普也。跋陀羅  
此云賢也。此土亦名遍吉。遍猶是普。吉亦是賢也。  
（中略）註經解云、化無不周曰普。隣極亞聖稱  
賢。」普華嚴經入法界品曰、「爾時佛在舍衛國  
祇樹給孤獨園大莊嚴重閣堂、與五百菩薩摩訶  
薩俱。普賢菩薩文殊師利菩薩而爲上首。」探玄  
記十八曰、「名中先標上首二人、以其是助化主  
故。釋有三義。一普賢當法界門、是所入也。文殊當  
般若門、是能入門也。二普賢三昧自在。文殊般若  
自在。三普賢明廣大之義。文殊甚深之義。深廣一  
對故。」

〔密教普賢〕（菩薩）有二體。一爲大日內眷

屬中之上首金剛菩薩。見金剛薩埵條。一爲大日  
眷屬中之上首是與顯教之普賢菩薩同體。在金

剛界者爲賢劫十六尊中第十六主釋迦本有之智之大菩薩以對文殊之修生智德。故雖與文殊同以劍爲三昧耶形。然此以標本有之智。文殊之劍標始成之智。有本始之異。而本有之智卽理。故對文殊不越理智相對之常法也。理趣經曰「大樂金剛薩埵（卽金剛薩埵）卽是普賢金剛薩埵」。又在胎藏界者八葉院中四菩薩之第一爲普賢菩薩。位於東南方。以智劍爲三昧耶形。密號曰眞如金剛。秘藏記末曰「東南方普賢菩薩。白肉色。左手執蓮華。上有利劍圍炎」。又第一金剛手院之中尊金剛薩埵也。白肉色。左手金剛拳。右手持五骷金剛杵。密號曰眞如金剛。見胎曼陀羅大鈔二已上二菩薩爲內眷屬之普賢也。其大眷屬之普賢是第二之文殊院普賢菩薩是也。侍中尊文殊之左脅以三鈷杵爲三昧耶形。密號曰示現金剛。又依密教三輪身則大日爲自性輪身。普賢爲正法輪身。步擲明王或六足尊明王爲教令輪身（仁王經儀軌意）依二輪身則大日普賢

皆爲自性輪身。步擲六足尊爲教令輪身（秘藏記）見五大明王條。

### 普賢十願

（名數）四十華嚴經。普賢行願

品曰「應修十種廣大行願。何等爲十一者。敬禮諸佛。二者稱讚如來。三者廣修供養。四者懺悔業障。五者隨喜功德。六者請轉法輪。七者請佛住世。八者常隨佛學。九者恆順衆生。十者普皆迴向」。普賢願海（雜語）指上之十願而云。此十

願爲代表一切菩薩之行願者。故總謂其他菩薩之發心修行。入於普賢願海云。

（三種普賢）

（名數）一實相普賢。本地之理

體也。二究竟普賢。以智究竟法身之理。卽是本覺也。三賢現普賢。顯教法華經所說由東方寶威德王佛國來至之普賢。又密教大日如來之補處菩薩是也。如顯教以彌勒爲釋迦之補處。密教以普賢定爲大日之補處。此三種之義。通於文殊觀音等諸菩薩。而獨就普賢明之者。因是大日之補處也。